

金

罍

子

金園子中篇卷之二十五

明上虞陳絳用揚甫著

會稽陶望齡周望甫閱

同邑車任遠遠之甫校

男陳昱輯

蜀漢
三傑

古云千人爲俊萬人爲傑漢高祖謂蕭何張良韓信
此三人者皆人傑也吾能用之所以定天下至先
主始襲蜀魏博士傅幹亦稱諸葛亮達治知變正
而有謀而爲之相關羽張飛勇而有義皆萬人之

敵而爲之將。此三人者。皆人傑。予謂孔明以治國
爲賢相。以策敵爲謀臣。蓋兼蕭張而駕越之。關張
之材。差劣於韓。然其義勇識君臣之分。豈信可望
是蜀漢三傑。賢漢初矣。唐明皇嘗同日拜宋璟張
說源乾曜三故相。官帝賦三傑詩。自寫以賜。蓋意
有所擬。然宋璟無媿也。說乾曜亦濫竽乎。

劉備首事。雖顛踣困頓中。名字已在天下矣。曹操何
等英雄。眎天下亦何有。然猶曰劉備人傑也。曰劉
備吾儔也。曰今天下英雄。惟使君與孤耳。誠敬而

劉備
名字
已在
天下

服之不能殺者。不可得殺也。袁術何人。語人曰。生
年以來。不聞天下有劉備。吁。不聞天下有劉備。斯
所以爲袁術耶。

魏書稱劉表病篤。託國於備。顧謂曰。我兒不才。而諸
將並零落。我死之後。卿便攝荊州。備曰。諸子自賢。
君其愛病。或勸備宜從表言。備曰。此人待我厚。今
從其言。人必以我爲薄。所不忍也。裴松之謂表夫
妻素愛琮。捨適立庶。情旣久定。無緣臨終舉荊州。
以授備。此亦不然之言。今攷孔衍漢魏春秋。劉琮

既約降曹操。或勸備劫將琮及荊州吏士徑南到江陵。備答曰。劉荊州臨亡託我以孤遺。背信自濟。吾所不爲。按備曰託孤。不曰託國。則魏書之舛已明矣。初先主歸徐州。牧陶謙謙納之。及謙病篤。謂別駕糜竺曰。非劉備不能安此州也。謙死。竺率州人迎先主。下邳陳登。北海相孔融咸勸之。先主遂領徐州。謙之遇先主。不劣於表也。謙死。謙有子商。應二人而備遂領徐州。以謙託也。備無嫌於有徐州。而廼獨以有荊州爲薄乎。

三國蜀志。先主領平原相。郡民劉平素輕先主。耻爲之下。使客刺之。先主不知。而待客甚厚。客不忍刺。語之而去。其得人心如此。北史後魏司馬楚之方劉裕誅夷司馬氏。楚之逃匿得免。及宋受禪。楚之規欲報復。收衆據長社。歸之者常萬餘人。宋武憚之。遣刺客沐謙圖害楚之。楚之待謙甚厚。謙夜詐疾。知楚之必來。欲因殺之。楚之知謙病。果自齋湯藥。往省之。謙感其意。出匕首於席下。以狀告之。遂留事之。其推誠待物得士心。皆此類也。按先主司

馬楚之皆以待人不疑消釋不肖之心。因自免於倉卒暮夜之中。故史稱先主得人心。楚之得士心。以予觀之。乃不惟然。漢四百年。晉百年有天下。而賊臣者。一日篡之。非天下心。先主漢景帝子中山靖王勝之後。楚之晉宣帝弟太常胤之後。方將以一田一旅。有祀祖配天之志。天下人心之所徯也。蓋名義所在。其服人固已遠矣。豈特一朝一夕之故耶。然二客亦可謂義俠已。予因攷春秋。晉靈公患趙宣子之驟諫也。使鉏麇賊之。晨往。寢門闢矣。

威服將朝尚早。坐而假寐。魔退。嘆而言曰。不意秦敬民之主也。賊民之主不忠。棄君之命不信。有一於此。不如死也。觸槐而死。漢梁王怨袁盎。刺者至關中。問盜稱之。皆不容口。廼見盜曰。臣受梁王金。刺君。君長者。不忍刺君。然後刺者十餘曹。備之。杜林拘於隗囂。而不屈節。弟成物故。囂聽林持喪歸。旣遣而悔。追令刺客楊賢於隴坻。遮殺之。賢見林身推鹿車。載致弟喪。廼嘆曰。我雖小人。何忍殺義士。因亡去。崔琦以激刺梁冀。冀怒。遣琦歸。令刺客

陰求殺之。客見琦耕於陌上，懷書一卷，息輒偃而詠之。客哀其志，以實告琦曰：將軍令吾要子，今見君賢者，情懷忍忍，可亟自逃。吾亦於此亡矣。琦得脫走蔡邕，以中常侍程璜怨得罪，與家屬鉗髡徙朔方。程璜女夫楊球，使客追路殺邕。客感其義，皆莫爲用。唐太子承乾以干志寧強諫，大怒，遣張師政往刺之。見志寧憔悴在苦塊中，不忍殺，乃去。五代葛從簡爲忠武節度使，聞許州富人王帶欲取之而不可得，遣二卒夜入其家殺而取之。夜卒

踰垣隱木間。見其夫婦相待如賓。二卒嘆曰。吾公
欲歛其寶。而害斯人。吾必不免。因躍出而告之。使
速以帶獻。遂踰垣而去。宋張浚之討苗劉也。師次
于秀州。嘗夜坐警甚嚴。忽有客至前。出一紙懷中。
曰。此苗劉募賊公賞格也。浚問因如何。客曰。僕粗
讀書。知順逆。豈以身爲賊用。特見爲備不嚴。恐有
後來者耳。浚下執其手問姓名。不告而去。蓋鉏麂
之不賊趙宣子。感於君臣者也。楊賢之不殺杜林。
感於兄弟者也。張師政之不忍殺于志寧。感於父

子者也。隱垣之卒。以情告富人。感於夫婦者也。梁王之客。不殺爰盎。梁冀之客。不殺崔琦。程楊之客。不殺蔡邕。苗劉之客。不殺張浚。感於忠邪。順逆之際者也。由此觀之。盜亦有道。豈不信哉。

拜官
考史
殆兩

拜官。考史傳殆兩義。一授而拜之。一拜而受之。三國蜀志。先主爲漢中王。遣費詩拜關羽爲前將軍。羽聞黃忠爲後將軍。怒不肯受拜。用費詩言。大感悟。遽卽受拜。此爲授者拜也。宋書殷景仁丁母憂。薨。竟起爲領軍將軍。固辭。上使綱紀代拜。景仁臥疾。

五年。及收劉湛。上夜出華林園延賢堂。召景仁。猶稱脚疾。小床輿以就坐。誅討處分。一以委之。使爲楊州刺史。僕射領吏部如故。遣使者授印綬。主簿代拜。卽受者拜也。豈羽爲將軍。事亞登壇。禮隆推轂。拜而授之。特異常典乎。宋之領軍。雖襲將軍之號。然制沿中壘。職掌內軍。有營衛之責。非征戰之寄矣。

孔明之治蜀。事無巨細。咸決焉。至躬校簿書。流汗終日。夙興夜寐。罰二十以上。皆親覽之。後費禕繼之。

常以朝晡聽事。其間接納賓客。飲食嬉戲。加之博奕。每盡人之歡。然事亦不廢。夫以材則優劣之分。懸以時則盛衰之勢異。然勞逸不同。而皆以之治。何哉。孔明當其規。而文偉蒙其成也。故孔明之勞。蕭何之規。而文偉之佚。曹參之守也。雖然。孔明之治蜀也。田疇辟。倉廩實。器械利。畜積饒。朝會不譁。市無醉人。其帥師也。所至營壘井竈。藩籬障塞。下至園澗。皆應繩墨。一月之行而去之。如始至。勤之以焉。褫卒以歡飲沉醉。遇害於降人。蓋其曠達不

蜀志
正相
類

疑。潤防檢而習細微。所謂禍成於此。而兆見於彼矣。

蜀志費禕。遠大將軍。錄尚書事。時魏曹爽寇蜀。卒十餘萬。次于興執。蜀假費禕節。率衆往禦之。光祿大夫來敏。至禕許別。求共圍碁。於時羽檄交馳。人馬擐甲。嚴駕已訖。禕與敏留意對戲。色無厭倦。敏曰。向聊觀試君耳。君信可人。必能辦賊。禕至。敵遂退。晉書符堅率衆百萬寇晉。次于淮淝。京師震恐。加安征討大都督。禦之安夷然無懼色。旋命駕出山。

聖親朋畢集。方與玄圍棋。賭別墅。遂游陟。至夜乃還。二事正相類。禰與安皆輔弱主。制危國。而當橫敵。苟見其弱。人心搖矣。故示之暇。以內鎮物情。外倡士氣。此其略也。

陳壽傳
非所
將略

陳壽傳。壽父爲馬謖將軍。謖爲諸葛亮所誅。壽父亦坐被髡。故壽爲亮立傳。言亮將略非所長。無應敵之材。而北史後魏毛修之爲崔浩言。昔在蜀中。聞長老言。壽曾爲諸葛亮門下書佐。得撻百下。故其論武侯云。應變非其所長。兩書不同。考孫盛異同。

記云。晉永和三年。蜀史常璩說蜀父老云。陳壽爲諸葛瞻吏。爲瞻所辱。故因此事歸惡黃皓。而云瞻不能匡矯。晉書亦云。諸葛瞻亦輕壽。由此觀之。壽特逮事瞻。未嘗爲亮門下。而捷壽者。瞻耳。壽之詆亮。蓋自以父怨故。修之所傳。謫也。然大都蜀漢亡。壽入於晉。爲之執筆。則紀蜀之君臣。自宜無完美詞。是亦不待父髡然矣。宋武事多鄙瀆。符生性極凶暴。豈信史耶。

曹高避難瑯琊。爲陶謙別將所殺。操得而仇之者。謙

曹高

避難

卿瑯

為陶

讓所

後

曹操

欺天

商人

也。夫雖有褊心。不伎飄瓦。復仇者不折鏃干。而操乃飄然。釋憾於徐土。睢陵夏丘之民。至於坑殺男女數十萬。何為乎。蓋虎豹終日而不殺。則跳踉大呌。以發其怒。蝮蛇終日而不螫。則齧噬草木。以致其毒。若操者。亦虎豹蝮蛇而已矣。

古文苑載漢高祖手勅太子云。吾遭亂世。當秦禁學。問生不讀書。又自不喜。謂讀書無所益。踐祚以來。時方出書。乃使人知作者之意。追思昔所行多不是。高帝能責躬。翼子乃爾。彼大英雄人。披抉胸懷。

以教其子。豈復有所隱飾哉。曹操征孫權。留子
守鄴。戒之曰。吾昔爲頓丘令。時方二十二。思此時
所爲。無悔於今。汝今亦年二十三矣。可不勉與。瞞
平生欺天罔人。亡所不至。至是年六十矣。尚不知
愧悔。乃復誕其子。真可笑也。

老瞞
諱敗

曹操使阮瑀作書與孫權。至言赤壁之役。遭雜疫氣。
燒舡自還。以避惡地。非周瑜水軍所能抑挫也。江
陵之守。物盡穀殫。無所復據。徙民還師。又非瑜之
所能敗也。善戰者不諱敗。老瞞諱敗。乃至飾彊辭。

於事主之前偷鍾者掩耳可笑

操置發丘

陳孔璋爲袁紹檄曹操云操又置發丘中即將摸金

中郎將摸金校尉

校尉所至鵠突無骸不露果然則操一椎埋賊也

時金校尉

然操別傳操引兵入峴谷梁孝王塚破棺收金寶數萬天子聞之泣則琳言蓋不虛操死葬鄴爲疑

塚若山於魏郡之講武城外漳河上累累相望凡

七十二處夫操自扣人多矣能惜弗懲乎

何晏思孝

何晏母曹操納爲小妻故晏幼處宮中七歲明慧若

神操奇愛之欲以爲子晏乃畫地令方自處其中

人問其故。答曰。何氏之廬也。操知之。卽遣還。出見以家知有何氏。不知有曹氏。故操不得面子。終得遣還。以國則知有曹氏。不復知有司馬氏。故師昭不得而臣。終當見殺。晏忠孝人也。忠不忘公。孝不忘本矣。世說載其潔白。魏帝疑其傅粉。夏月以湯餅試之。拂拭愈白。知其非傅粉。而魏略乃譏其粉白不去手。此魏略用司馬家誣說耳。豈信史乎。亦猶梁冀之於李固。冀怨李固。使人飛章誣固曰。大行在殯。路人掩涕。而固獨胡粉飾貌。搔頭弄姿。吁。

既曰誣何所不至也。世嘗言晉世浮競之俗。長自何晏。予觀傅咸疏云。正始中。任何晏以選舉。內外之衆。職各得其才。粲然之美。於斯可觀。按晏任選舉如此。蓋用世材矣。安在其浮競耶。然非傅公公忠。不能當司馬家時。爲此言也。

小人害君

魏鍾會善效人書。其傾鄧艾也。於劍閣要艾。章奏白

子術

事。皆易其言。令辭旨悖慢。多自矜伐。又毀晉公昭

不一

瑞而

可畏

報書。子作以疑之。朱夏疎怨石介之斥已也。因介嘗奏記於富弼。責以行伊周之事。弼乃先遣女奴。

傳死 恨不 京勸 曹操 之墓 顧反 見肅 衍之 懷

四

陰習介書卒敗伊周爲伊霍又作介爲弼撰廢立
詔草介以得罪小人之害君子其術不一端而可
畏有如此

篡逆大罪也阿黨極惡也奸諛之徒爲之至有容易
一死者可哀也已桓階初勸魏王正位夏侯惇以
爲宜先平定二方然後遵舜禹之軌及操卒惇追
別言發病死梁武九錫之出范雲欲預盛禮已
病兩月召醫診視欲得速愈醫曰若緩之一月
乃復欲速汗之卽時愈恐二年不救雲曰朝聞夕

力植
庶幾
有仲
雍之
志

死而況二年乎。汗之果即起。後二年果死。惇死以
恨不能早勸曹操之篡。而雲死以願及見蕭衍之
篡也。人死亦大矣。死於疾病猶可。而獨以此死。其
心乎。

曹丕既篡漢。曹植爲發服悲哭。植丕母弟也。忠存漢
室遠矣。制於父兄。狂以自廢。庶幾有仲雍之志耶。
程篁墩東阿王詩曰。我愛東阿王。翩翩貴公子。雖
讀萬卷書。日日弄文史。已乖弟兄好。更遂君臣理。
盜漢者何人。胡不相諫止。所以大道行。重義不重

司馬懿稱疾不與政事

死。淒涼。苦。箕。咏。掩。卷。吾。不。齒。當。年。何。國。地。寂。寞。小。山。址。諒。無。朱。昱。心。千。載。有。餘。耻。著。論。誠。嚴。然。頗。誣。東。阿。東。阿。尚。姬。美。泰。伯。何。全。昱。也。

魏正始九年。帝稱疾不與政事。曹爽何晏調帝疾。薦與黃門張當謀圖之。帝亦潛爲之備。會河南尹李勝將詣荊州來候帝。帝詐疾。罵。使兩婢侍。持衣衣落。指口言渴。婢進粥。帝不持杯。飲粥皆流出露胸。勝曰。衆情皆謂明公舊風發動。何意尊體乃爾。帝便聲氣纔屬。說年老枕疾。死在旦夕。君當屈拜州。

并州近胡。善爲之備。恐不復相見。以子師昭兄弟
爲託。勝曰。當還忝本州。非并州。帝廼錯亂其辭曰。
君方到并州。勝復曰。當忝荊州。帝曰。年老意荒。不
解君言。今還爲本州。盛德壯烈。好建功業。勝退告
爽曰。司馬公尸居餘氣。形神已離。不足慮矣。他日
又言曰。太傅不可復濟。令人愴然。故爽不復設備。
按此一司馬懿。旣先以瘋痺謫魏武。再二則不中
嘗試於曹爽。而輒隨其伏中。然則非懿知得也。蓋
爽輩愚失也。

王祥
遺命
諸其
所關

魏志司馬朗年九歲有人道其父字者朗曰慢人親者不敬其親者也客謝之常林年七歲有父黨造門問林伯先在否汝何不拜林曰雖當下拜臨子字父何拜之有於是咸共嘉之字人父於其子固不可耶顏之推云古者名以正體字以表德名終則諱之字乃可以爲孫氏孔子弟子記事者皆稱仲尼呂后徵時嘗字高祖爲季至漢袁種字其叔父曰綰王丹與侯霸子語字霸爲君房江南迄今不諱字也河北士人全不辨之尚書王元景兄弟

皆號名人。其父名雲字羅漢一皆諱之其餘不足
恠也。是則以字若不當諱者。魏鶴山先生云。古人
稱字者最不輕。儀禮子孫於祖稱字。孔子弟
子多稱夫子爲仲尼。子思孫也。孟子又子思弟子
也。亦皆稱仲尼。游夏之門人皆字其師。漢初惟子
房一人得稱字。中世有字其諸父字其諸祖者。觀
鶴山此說。又以稱字爲至重。非特不當諱之而已。
夫子且可以字其父。況稱人父字於其子耶。然則
二子之所執蓋過也。後世自別號行。乃深以字爲

王祥
不忠
無耻

至輕。士大夫間不復知有字。至於諱字若爾汝稍
遇倫儕。輒舉號呼。況尊行已者乎。今也倡優優隸
博徒販客。皆軒然以道號相命。則流弊之極。不知
如何也。

魏之太尉爵爲侯。晉之太保爵爲公。崩角以君奉其
讐。覩面以賈販其主。事君不忠如此。孰懿其孝哉。
君子曰。王祥歸終。遺命訓其子孫。以信德孝悌讓
五者爲立身之本。不言忠。豈諱其所闕與。嗚道已
更事四姓及契丹。終其身富且貴。因自號長樂老。

人著書備陳累代所得階勲官爵以爲榮。且自言孝於家。忠於國。其亡廉耻至此。

阮嗣宗勸受九錫一牋深可母作

阮嗣宗勸晉王進相國。受九錫。一牋深可母作。禁人之升堂。則盡拒諸門。矧掖而登諸階。步兵失矣。然其言僂僂。諸所比倫。止以伊尹周公呂尚之事。未又言大魏之德。光於唐虞。明公盛勲。超於桓文。而勸以臨滄洲。謝支伯。登箕山。揖許由。固不必勤勤於小讓。則其意指所亟。亦不可以不察。

始予讀季密陳情表。妄意謂密奉祖母。又故嘗事蜀。

李密

不肯奪其志。蓋忠孝之道成焉。獨嘆其少事僞朝。爲孫言之過。乃讀晉史孝友傳。廼知密不久卽仕。晉嘗以才能望內轉而不得。失分懷怨。拜漢中太守。賜錢東堂。奉詔賦詩。末章有官無中人。不如歸田之句。武帝念之。免官卒於家。然則密之惛忿躁競。近如此。

李密故漢人。陸機吳人也。密辭太子洗馬。陳情表云。臣少事僞朝。歷職郎署。而機謝平原內史表云。臣本吳人。出自敵國。一詎吳於敵國。一詎漢於僞

朝雖二人之仕仇同而士衡於其故國猶區區爲有禮焉耳

羊祐杜預

羊祐杜預同朝氣合決策平吳寔相後先而祐身不披甲閭不施衛預身不跨鞍射不穿札舉克成功通知決機惇懷折衝盟豆同自有人哉彼棄瓢穀策者終豈兼資也

羊祐杜預

羊祐杜預皆有事於峴山而預尤好爲後世名嘗謂高岸爲谷深谷爲陵故刻石爲二碑紀其勲績一沉峴山之下一立峴山之上以爲後世必有存其

一者。而今碑與預俱亡矣。羊祜游憩風景。悲傷厄
酒之間。豈不深哀。夫賢勝之湮廢哉。而後世祠而
碑之。令聞令望。遂與此山俱傳。至今言峴首者。必
曰祜。預不得割而有焉。此亡它。祜以其德。而預以
其功。而盛德之所遺遠矣。

晉書稱唐彬有經國大度。而不拘行檢。然嘗自敘於
文帝座中曰。修業陋巷。觀古人之遺跡。言滿天下。
無口過。行滿天下。無怨惡。雖未明其遺。然觀一時
英彥。未有以挫之。帝且顧四坐曰。名不虛行也。蓋

許之矣。則其素行固在人也哉。始朝議以益州東接吳寇。監軍位缺。欲用楊宗及彬。武帝以問散騎常侍文立。立對彬多材欲。而宗好酒。使立之言信。則彬行檢可知。而帝竟用彬。然異時伐吳之舉。眾方揚帆。而彬策其將降。屬疾淹留。以示不競。夫大者爭功。小者爭財也。而彬澹然於功名之際。多財欲者如是乎。

晉王濟家。武帝嘗幸之。因設燕。蒸豚甚肥美。帝問之曰。用人乳汁飲之。帝變色而起。唐侯君集家得二

人之
驕奢
乃有
者

姬顏色殊異。問之乃不火食。止食人乳耳。人之驕奢。乃有至於是者。晉符朗之逃奔江南也。每與朝士燕。不用唾壺。使兩小兒跪而張口。承唾含出。宋謝景仁性矜嚴。貞潔。居宇淨麗。每唾轉唾。左右人衣事畢。卽聽一月。澣濯。故每欲唾。左右爭來受焉。人之豪貴。廼有至於是者。

何夔
履正

三國何夔。其履正。而史稱其於節儉之世。最爲豪怙。夔子曾。又繼之以華侈。至於不食大官所設日食萬錢。猶云無下筯處。曾子劭。又有父風。一日之供。

何曾
任愷
日食

廼以錢二萬爲限。大官御膳無以加之。所謂作法
於奢者。則變不爲亡罪矣。自劭兄遵亦皆相競奢
怵而遵子綏機羨劭子岐益以矜傲好陵駕人物。
於是鄉閭疾之如讐。永嘉之難何氏殲焉。蓋驕與
奢相因。而必至之禍有不俟數世而後見者。爲人
祖父所以貽厥子孫可不深長思哉。

晉何曾日食萬錢。猶云無下箸處。而曾子劭有父風。
一日之供以錢二萬爲限。又倍於廼父矣。任愷一
食萬錢。猶云無可下箸處。隋蕭道遙公窮治饌羞。

每食厨所棄猶不減萬錢。度日費又如何。吁。愈後愈靡矣。後山談叢。宋仁宗每私宴閣中。分獻熟食。是歲秋初。蛤蜊初至。都或以爲獻。仁宗問曰。安得已有此。其價幾何。對曰。每枚千錢。一獻凡二十八枚。上不樂。曰。每常戒爾輩勿爲侈靡。今下一箸輒費二十八千。吾不堪也。遂不食。以天子且惜二十八千之費而不食。乎如曾章何哉。

晉史謂祖約性好財。阮孚性好屐。同是累而未判其得失。有諺約見正料財物。客至屏當不盡餘兩小。

事
之
恥
言
財

麓以著背後。傾身障之意。未能平。或有詣阮正見。自蠟屐。因自嘆曰。未知一生當著幾量屐。神色甚閑暢。於是勝負始分。此語皆當世清談中語。好財好嚴。卽累申之得失已判。何待更試於閒忙間耶。朱子云。財猶賊也。近則汚人。豪傑之士耻言之。余以爲晉崔洪手不持珠玉。而迄全雅操。桓玄手不離珠玉。而大著亮節。豈非近之爲汚耶。然王衍之口不言錢。王敦之口不言色。卒無改爲王衍王敦而酌貪泉者。亦何害爲吳隱之。是亦存乎人焉耳。

世賄賂
滋張

晉世賄賂滋彰。鬲令袁毅尤爲貪濁。賂遺公卿。山濤
爲吏部尚書。而餉濤者絲百斤也。王戎爲侍中。南
郡太守劉肇賂戎以筒中細布五十端。然已爲司
隸所糾。今滕此二賂。走權門之奴隸。其不抵而笑
乎。

古人
清慎

晉華表有賜客在鬲。使其子廙。因縣令袁毅錄名。三
客各代以奴。及毅以貨賂致罪。獄辭迷繆。不復顯
以奴代客。直言迭三奴。與廙而廙妻父盧毓。毅亦
盧氏壻。又中書監荀勗。先爲中子求廙女。廙不許。

爲恨。因密啟帝免廩官。削爵土。元元明善在江西時。行省叅政朱瑄。以明善有馬駿而瘠。假爲從騎。久盜其。瑄愛之。致米三十斛。酬其直。後瑄敗。浙江行省籍其家。得金穀之簿。書米三十斛。送元復。初不言以酬馬。且元善坐免。免官削土。亦仕宦得失常事耳。然自此兩人徒負不潔聲於天下。亦可卹也。古人守其清。必以慎。其遠小人也。雖不惡而嚴有旨哉。有旨哉。

人。不容易拜人。亦不容易受人拜。惟父友則拜之。

百人
不容
易拜
人亦
不容
易受
人之
拜

爲人父友。則受其子弟之拜。事父友而不拜。與爲
人父友。而不受其子弟之拜。皆薄也。晉荀勗諸子
謂解系曰。與卿爲友。應向我公拜。勗又曰。我與尊
先君親厚。系曰。不奉遺教。若先君相厚。往日哀頓。
當垂書問。親厚之論。非所敢聞。遂不拜。庾異行。袞
嘗與諸兄。過邑人陳準。諸兄友之。皆拜其母。異行
獨不拜。準弟徽曰。子何以不拜吾親。異行曰。夫拜
人之親者。將自同於人之子。其義至重。袞敢輕之
乎。遂不拜。此皆不容易拜人父母也。後漢侯司徒

欲與王仲回友。仲回被徵。司徒遣子昱候於道。昱迎拜車下。仲回下答之。昱曰。家公欲與君結交。何爲見拜。仲回曰。君房有是言。冊未之許也。此不容易受人家子弟之拜也。馬伏波嘗有疾。梁松來候之。獨拜床下。伏波不答。松去。諸子問梁伯孫帝壻貴重。大人奈何獨不爲禮。伏波曰。我乃松父友也。雖貴何得失其序乎。晉虞駿與桓彝俱爲吏部郎。情好甚篤。彝遣溫拜駿。駿使子谷拜彝。此所謂父友則拜之。爲人父友則受其子弟之拜也。唐柳公

綽甚知張尚書正甫。公綽子仲郢嘗遇張於途去。
蓋下馬而拜。張止之不獲。他日張公言於公綽曰。
壽郎相逢其謙太過。公綽作色不應。久之張去。公
綽謂客曰。張正甫與公綽往還。欲使兒於街中騎。
馬衝公綽。此人亦不足與語。張聞之而謝過。此事
父友而不拜。與爲人父友而不肯受其子弟之拜
者。皆薄也。晉荀松與王濟何劭爲拜親之友。

晉張華爲司空中。台星拆。兩星不相比。華少子勸

華遜位。華不從曰。天道幽遠。不如靜以待之。北周

兩人不信天道獨不徵人事

晉公護顯政問稍伯大夫庾季才曰。比日天道如何。季才對曰。荷恩深厚。敢不盡言。頃上台有變。公宜歸政天子。請老私門。此則享期頤之壽。受旦奭之美。子孫常爲藩屏。不然非復所知。護沉吟久之。曰。吾本志如此。但辭未獲免耳。卿旣爲王官。可依朝列。無煩別參寡人也。按天文志。三台星上台司命。太尉。中台司中。司徒。下台司祿。司空。華處昏亂之朝。護則驕擅已極。兩人不信天道。獨不徵人事耶。至於抵愛于之請。拒直士之諫。旋就刑誅。殉以

惜哉
倫非
其人

家族字文護無責矣。華之識達而不免。不亦可惜也耶。

晉元康元年三月。賈后矯詔。廢皇太后楊氏爲庶人。徙于金墉城。二年。賈后弑皇太后于金墉城。九年。廢皇太子適爲庶人。永康元年三月。賈后矯詔害庶人適于許昌。四月。梁王彤。趙王倫。矯詔廢賈后爲庶人。未幾。復矯詔害賈庶人。永寧元年正月。趙王倫篡帝位。遷帝于金墉城。論曰。賈氏弑姑殺子。且寢乎未有已焉。彤與倫之殺之也。奉天討矣。謂

之矯詔何居。夫惠之不君。置而伐之。苟志安宗社。惡篡之有。惜哉。倫非其人也。

華廙 守道

晉華廙。華表子。歆孫。中書監荀勗。先爲中子求廙女。廙不許。因之別爵。後復封。因進爵爲公。時河南尹韓壽。託賈后求以女配廙孫陶。廙復不許。后深以爲恨。故遂不登台司。廙雖不登台司。守道如此。蓋乃祖矣。

賈克 秦檜 無子

晉賈克。宋秦檜皆無子。然克妻欲後其甥。而廼殺其子於乳母之懷。檜妻欲後其姪。而故出其子於孀。

妾之腹已以姦臣妬人國亦以妬妻自滅其家天道哉

檜事見齊東野語十一卷朱子語類亦云

晉元帝方任刑法以韓子賜皇太子庾亮侍讀東宮諫以申韓刻薄傷化不足留聖心天子甚納焉昔諸葛孔明輔蜀嘗手寫申韓管子六韜送太子而元規能諫其上勿以韓子賜皇太子夫此一事也將取節焉雖謂賢於孔明不亦可乎

元經薛氏傳晉元帝爲瑯琊王蕩陰之敗懼禍將出奔而月明無由去有頃雲霧晦暝因潛得出成都

晉人
應以

三事
義教
孔明

王頴先令諸關無出貴人。帝至河陽。爲津吏所止。從者宋興鞭帝馬曰。官禁貴人。汝亦被拘耶。遂聽帝過。晉書王華。厥之子。從王恭起兵敗走。時華年十三。軍中與厥相失。隨沙門釋曇冰。逃。使提衣襪。從后。津邏咸疑焉。華行遲。曇冰罵曰。奴子怠懈。行不及我。以杖箠華數十。衆乃不疑。南宋袁昂顓之子。顓敗。歲於沙門。沙門將以出關。關吏疑非常人。沙門杖而罵之。遂免。北史周太祖擊齊師於芒山。太祖臨陣墜馬。李穆突圍而進。以馬策擊太祖而

術家
應乃
若此

罵之授以從騎。賊見其輕侮。謂太祖非貴人。遂緩之以故得免。四事相類。此東坡所謂事有倒行而逆施之者也。春秋時。楚子微服出亡。而門者難之。其僕操筆而罵曰。隸也不力。門者出之。蓋古人權以應變。類如此。

晉元帝以丁丑歲稱晉王。置宗廟。使郭璞筮云。享二百年。然自丁丑至禪宋。爲庚申。實一百四年。丁丑係西晉。庚申入南宋。所餘惟一百有二年耳。璞蓋以百二之期促。故婉而倒之。爲二百也。南宋武帝

景純知數不知理

於嵩高山得玉璧三十二枚神人云此是宋卜世之數三十二者二三十也宋自受命至禪齊凡六十年然則其應乃若此

郭景純知數而不知理也故憂其受之促而極欲以戕其生豈所謂殀壽不貳修身以俟之者耶病其位之卑而著詞以申其志豈所謂樂天知命不憂者耶又曰璞自知所受有限用之恒恐不得盡故嗜酒好色過度于寶常誠之而不能更也然璞可謂立乎巖墻之下者矣非吾儒所謂知命也以其

四

術者之說何啻百家

言頗近達。似亦能殫心於禍福之際者。至廼裸身被髮。銜刀設醊。遑遑於溷園之間。斯又何哉。史稱璞洞五行天文卜筮之術。禳災轉禍。通致無方。夫以璞之術。能活居停。既死之馬。而不能自延其日。中將盡之命。以斯知術也。固焉能如命何。

術者之說。何啻百家。各以一夫擅司命之權。盜天地以鬻諸人。斯欺人惑世之大矣。京房郭璞不良死。而況其徒乎。夫禍不自免。何以福人。

晉徐藻妻陳氏太丘女。與妹劉氏書云。因見偉方所

陳氏
稱太
丘女

作先君誄。極陳先君奉親事君。行已養民。立德立
功。示之軌儀。云云。而又云。老莊者。絕聖棄知。渾齊
萬物。等貴賤。忘哀樂。非經典所貴。名教所取。何必
輒引以爲喻。益以備方之論。未瑩也。晉世尚玄虛。
方波流茅靡中。而簪珥中。有此淵識。稱是太丘女
矣。

劉遐
妻朱
序母
皆將
村

晉劉遐。朱序兩人同傳。而遐妻羊。卽續女。驍果有父
風。遐嘗爲石季龍所圍。妻單將數騎。拔遐出於萬
衆之中。及遐假節。令淮陰卒。遐妹夫田防等欲爲

亂避妻止之不從乃密起火燒甲杖都盡朱序領
襄陽苻丕攻之序母韓自登城履行陣謂西北角
當先受敕遂領百餘婢拜城中女丁於其角斜築
城二十餘丈賊攻西北角果潰衆便固守新城丕
遂引退襄陽人謂此城爲夫人城避妻序母蓋將
材也

郭攸
存姪

郭攸與其妻逃石勒之難嘗擔荷其子與其弟之子
也。已而度難之棄其子。君子曰。其志可哀也。蓋存
者可亂也。弟亡矣。不再子也。雖然。棄其子可也。棄

其子子輒號而及之寘之木加徽纏焉使必無以爲生何哉

兇逆
氣類
相慕
尚

王敦慕曹操至詠其樂府歌以如意打唾壺爲節壺邊盡缺桓溫慕王敦嘗行經王敦墓望之曰可人可人兇逆以氣類相慕尚如此

死而
靈威
震於
後代

孫太孫恩死海濱人猶傳爲仙安祿山安慶緒史思明死河朔人皆稱爲聖莊周云跼蹐暴戾其徒誦誼亡窮斯民之直道安在耶晉王敦反疾已危明帝詔勅中外敢有不呼王敦姓名而稱王大將軍

事道 義知 國敵 永將

者。以軍法從事。世說新語。南宋人作。每稱王敦猶必曰王大將軍。何王敦死。而威靈震於隔代如此也。

晉陶侃遷武昌太守。時天下饑荒。山夷多斷江劫掠。侃令諸將作詐商舡以誘之。劫果至。生獲數人。唐調露元年。突厥阿思德溫傳反。詔裴行儉討之。行儉詐爲糧車三百乘。車伏壯士五輩。齊陌刀頸弩以羸兵挽進。又伏精兵踵其後。虜果掠車。羸兵走險。賊驅就水草。解鞍收馬。方取糧車中。而壯士突

鳴鼓
鳴角
皆誤
而成
敗絕

出。伏兵至。殺賊幾盡。自是糧車無敢近者。宋祥符
元年。王德用爲邢洛磁相巡檢提舉。捉賊男子張
鴻霸。聚黨界中。爲盜朝廷以名捕。久之不得。公以
輿車載壯士。僞服爲婦人。以誘之於野。於是鴻霸
與其黨三十二人。皆得良將。師心匠意。因敵設智。
事適相值。而皆成功如此。

晉桓溫伐蜀。師次窄橋。李勢悉衆出戰。龔護戰歿。衆
懼。溫遽下令退師。而鼓吏誤鳴鼓。師遂進擊。大破
之。宋柳元景討元兇劭。元景水陸受敵。劭兵執垂

半渡而擊
其兵
奚

克而魯秀誤擊退鼓邵衆遽止元景延開壘鼓譟以乘之邵衆大潰隋王辨與王世克討李密阻洛水相持經年辨率諸將攻敗密因薄其營戰破外柵密諸營已有潰者乘勝將入城世克不知恐將士勞倦於是鳴角收兵翻爲密徒所乘大潰不可救止辨涉洛水竟溺死事固有幸而成不幸而敗者或鳴鼓或鳴角皆誤也而成敗絕豈非天耶

秦符融遣張蚝敗謝石於淝南晉謝玄謝琰勒卒數萬陣以待之蚝乃退列陣逼淝水晉師不得渡遣

使謂融曰。君懸軍深入。而列陣逼水。非欲戰者也。若小退師。令將士周茨。僕與君公。緩轡而觀之。不亦美乎。融於是麾陣少却。欲因其濟水。以鉄騎覆而取之。軍退遂不可復止。融馳騎略陣。馬倒被殺。軍遂大敗。周尉遲迥之起義。相州也。魏安公惇率衆十萬人入武德。軍於沁州。隋常孝寬等諸軍隔水相持不進。隋文帝又遣高熲馳驛督戰。惇布兵二十餘里。麾軍小却。欲待孝寬軍半渡而擊之。孝寬因其却。乃鳴鼓齊進。惇遂大敗。隋李密馳向洛。

口。王世克夜圍偃師。密欲待世克兵半渡洛水而後擊之。密候騎不時覺此將出戰。世克軍已悉濟。密引騎而遁。夫侯軍半濟而擊之。此兵筭也。司馬子魚以教宋襄。漢以擊破大司馬曹晷於汜水矣。然陽平既敗於前。而惇與密又接踵於後者。紀律不嚴。部分不明。號令不信。將威奪而士聽搖也。彼師既迄濟。則背水無反走心。勝地在敵矣。

晉史謝敷傳。月犯少微。少微一名處士星。占者以隱士當之。戴逵有美才。人或憂之。俄而敷死。故會稽

人士以嘲吳人云。吳中高士。便是求死不得死。北史魏孝武帝西渡河入長安。是歲二月。災惑入南斗。衆星北流。羣鼠浮河向鄴。梁武跣而下殿。以禳星變。及聞帝之西。慙曰。虜亦應天平。人謂梁武帝之慚。亦定是求走不得走也。然予觀晉時符堅稱帝于秦。堅母苟氏甚愛少子融。融爲冀州牧。代王猛將發。苟氏三至灞上。其夕又竊如融所。內外莫知。堅寢于殿前。太史令魏延上言。天市南門屏內。后妃星失明。左右闔寺不見。后妃移動之象。堅推

昭明太子
淵明傳

問知之。驚曰。天道與人。何其不遠。當是時。晉爲正統。故在。而應移於秦。由此觀之。非特虜主。雖其妖淫老嫗。一出入細故。亦冥關玄象。殆不可曉。

何燕泉謂昭明太子統作陶淵明傳云。淵明爲彭澤令。不以家累自隨。而繼之云。公田悉令種秫。妻子固請種秔。是時淵明家累既不自隨。胡爲乎有妻子種秔之請。予謂此固不足爲異。先生家潯陽。官彭澤。相去百里。蓋手信之往來。有足以代面請者。最有一節。語不酬副。傳稱淵明居無僕妾。井曰自

任。而先生五子。乃皆異出。與子侯等疏。有爾等雖
不同生。當思四海皆兄弟之語。先生婦翟耕。饁至
於偕老。胡所出異母哉。先生詩云。弱冠逢世阻。始
室喪其偏。則先生年二十。固已悼亡妾。不知其得
妾。又自何年而早失之。妾理無蕃胤。異母之子。復
是幾母。國風好色而不淫。大雅君子。正復不必以
煩禮小嫌。曲自拘束。而貪賢之言。徃徃浮實存而
不論可耳。

男女雖均所生。而男重女輕。世俗皆然。雖賢者不免。

世修
經賢
道不

如陶靖節詩和郭主簿云春秫作美酒酒熟吾自
斟弱子戲我側學語未成音此事真復樂聊用忘
華簪和劉柴桑云谷風轉淒薄春醪解饑飢弱女
雖非男慰情良勝無弱子之樂至於忘華簪弱女
可以慰情僅勝於無之而已此其辭抑揚輕重雖
出於一時吟弄之餘亦可以見其情之所鍾也

學子中篇卷之二十五

金罍子中篇卷之二十六

明上虞陳絳用揚南著

會稽陶望齡周望甫閱

同邑車任遠遠之甫校

男陳昱輯

劉穆之愧

劉穆之傳但稱穆之病卒而王弘傳廼言已平雒陽
未遣九錫弘銜使還京師風旨朝廷時穆之掌留
任而肯反從北來穆之愧懼發病遂卒竟不知穆
之愧懼爲何事愧無乃爲夏侯惇懼無廼爲荀文

若咸無取焉耳

宋祖
賜謝
莊寶劍

宋世祖賜謝莊寶劍。莊以與豫州刺史魯爽送別。爽
後反叛。世祖因宴集。問劍所在。荅曰。昔以與魯爽
別。竊爲陛下杜郵之賜。上甚悅。當時以爲知言。然
莊亦巧言時中。幸而免矣。漢衛綰嘗病。景帝賜之
劍。綰曰。先帝賜臣劍凡六。不敢奉詔。上曰。劍人之
所易施。獨至今乎。綰曰。具在上。使取六劍。劍常盛。
未嘗服也。當時以綰爲忠實。蓋敬君之賜。當如是。
宋張禱爲晉瑯琊王國郎中令。從王至洛還京都。武

代其
死

善此
足爲
薄俗

帝封藥酒一罍付禘使密加酖毒。受命於道自飲而卒。唐賈直言代宗時。父道冲坐事賜醵將死。直言給其父曰。當謝四方神祇。使者少怠。輒取醵代飲。迷而踣。明日毒潰足而出。久乃蘇。帝聞而憐之。詔減父死。俱流嶺南。兩人代其君父死。忠孝竭矣。賈偶不死。非其志也。

南宋孫棘。大明五年。發三五丁。第薩應克行。坐違期不至當死。棘詣郡辭列。棘爲家長。令弟不行。罪應百死。乞以身代薩薩。又辭列。自引。太守張岱疑其

不實。以棘蔭各置一處。報云聽其相代。顏色竝悅。其心赴死。棘妻許又寄語屬棘。君當門戶。豈可委罪小郎。且大家臨亡。以小郎屬君。竟未妻娶。家道不立。君已有二兒。死復何恨。岱依事表上。孝武詔特原罪。州加辟命。賜帛二十疋。按兄弟爭相爲死。難。兄嫂又能以死從。其夫尤難。書此足厲薄俗。宋檀祇爲廣陵相。義熙十年。司馬國璠兄弟亡命。自北徐州界潛得過淮。因天陰暗。夜率百許人緣廣陵城入。呼喚直上廳事。祇曰賊乘暗得入。欲掩我。

四君
急卒
過夜
奇

不備。但打五鼓懼之。以爲曉必走矣。賊聞鼓鳴。廼奔散。追殺百餘人。唐太宗永泰三年。詔四鎮北庭兵徙涇州。衆皆怨。刀斧兵馬使王童之謀作亂。期以辛酉旦。警嚴而發。前夕有告之者。段秀實知邠州留後。乃陽召掌漏者怒之。以其失節。令每更來白。輒延之數刻。遂四更而曙。童之不果發。卒擒之。十四年。王栩爲河中少尹。知府事。部將凌正暴橫。栩抑之。正與其徒謀乘夜作亂。栩知之。故縮漏水數刻。以差其期。賊驚潰走。擒正誅之。軍府廼安。金

僕散忠義爲博州防禦使。在郡一夕陰晦。囚徒謀反。獄倉卒間。將校皆惶駭失措。忠義從容。但使守更吏。撾鼓鳴角。囚徒以爲天且曉。不敢出。自就桎梏。宋馮瓚知梓州。時劍外初平。卒有亡命者。散匿爲盜。無何蜀軍校上官進率亡命三千餘人掠民數萬。夜攻州城。瓚曰。賊乘夜奄至。此烏合之衆。以箠挺相擊。必無固志。正可持重以鎮之。旦自潰矣。城中止有雲騎兵三百。令分守城門。瓚坐城樓。密令促其更籌。未夜分。擊五鼓。賊悉遁去。因縱兵追。

之擒上官進斬于市。此數事者。倉卒遇夜。更變出奇。事定而迄不擾。易夬之九二。暮夜有戎。勿恤。蓋四君以之。

宋中書舍人弘興宗爲文帝愛遇。帝謂曰。卿欲作士人。得就王球坐。乃當判耳。若往詣球。可稱旨就席。及至。球舉扇曰。君不得爾。弘還。依事啟聞。帝曰。我便無如此何。齊中書舍人紀僧真幸於武帝。稍歷軍校。容表有士風。謂帝曰。臣小人。出自本縣武吏。邀奉聖時。階榮至此。爲見昏得荀昭光女。卽時無

復所須。惟就陛下乞作士大夫。帝曰。由江。敦謝瀟。我不得措此意。可自詣之。僧真承旨詣敦。登榻坐。定。敦便命左右曰。移吾床讓客。僧真喪氣而退。告帝。帝曰。士大夫固非天子所命。兩公風格嚴挺。不以士大夫借天子要人。可謂鯁正。而時天子之能容兩要人之慕爲士大夫。其風致亦皆可尚也。

蔡氏江左

孔門

宋蔡興宗。以征西將軍。開府儀同。都督荊州。被顧命徵還都。時右軍將軍王道隆任參國政。權重一時。躡履到興宗前。不敢就席。良久方去。竟不呼坐。而

興宗子約仕齊。遷司徒長史。齊明帝爲錄尚書輔政。百僚脫屐到席。約躡屐不改。父子世直矣。又蔡順之方雅。蔡樽之英嶷。蔡凝之正色。爰自子度已來。百年高閥。四代忠節。國憲攸存。家風不殞。爲江左禮門。休哉。

南史宋顧常侍協清介。爲廷尉正時。冬服單薄。寺卿蔡子度廓謂人曰。我解身上襦與顧郎。恐顧郎難衣食者。竟不敢遺之。唐李虞爲尚書左丞。有清德。其妹是劉晏夫人。晏方秉權。常造廩。延至燕室。見

其門簾甚敝。乃潛度廣狹。以簾竹織成簾。以贈屢
三。携至門。不敢發言而去。宋陳后山履常罷歸。貧
至累日不炊。傅堯俞知之。懷金餽之。聽其議論。不
敢出口。予謂士處不足。當使人遺於我。至於不敢
言。可以言介矣。晉阮裕在剡。曾有好車。借無不給。
有人葬母。意欲借而不敢言。後裕聞之。乃嘆曰。吾
有車而使人不敢借。何以車爲。遂命焚之。予謂士
處有餘。當使借於我。至於無不敢言。可以言惠矣。
宋庾仲文好潔。士大夫造之者。未出戶。輒令人拭席。

文好

聚而
好情
者摘
戒為

洗牀齊王恩遠立身簡潔諸客有請已者覘知衣
服垢穢方便不前形儀新楚乃與促膝及去之後
猶令二人交帚拂其坐處思遠之清正潔便自其
疾耳仲文領選通賄無厭至問客好牛好馬皆云
無之政有佳驢便荅言甚是所欲客出門遂相聞
索之賊穢若此獨好人潔豈非友耶

余於他書見好積聚而鄙恡幾人摘書以為戒南史
曹虎轉散騎常侍右衛將軍而晚節好貨賄吝嗇
在雍州得見錢五十萬伎女食醬菜無重餽每好

景輒開座拍張向之齊主疑虎舊將。無利其財。新除未及拜。見殺。北史崔和官平昌太守。家巨富。而性吝。埋錢數百斛。其母李春思輩惜錢不買。子軌盜錢百萬。背和亡走。又庫狄連者。鄙恠愚狠。爲鄭州刺史。好聚斂。又嚴酷。居室患蠅。杖門者曰。何故聽入。其妻病。以百錢買藥。每自恨之。家口百餘。盛夏人料倉米二升。不給鹽菜。常有饑色。冬至日。親表稱賀。其妻爲設豆餅。問豆餅得處。云於馬莖中分減。伏連大怒。典馬掌食人。竝加杖罰。積年賜。

物藏。在別庫。至死時。惟著敝禪。而積絹至二萬疋。簿錄竝歸天府。五代漢吏部侍郎張允。家資萬計。而性吝。不委妻子。自繫衆鑰於衣下。如環珮聲。郭威入京師。允匿佛殿藻井之上。板壞而墮。凍餒而卒。

北史房文烈。性溫柔。未嘗嗔怒。爲吏部郎。時經霖雨。絕糧。遣婢糴米。因爾逃竄。三四日方還。文烈徐謂曰。舉家無食。汝何處來。竟無捶撻。爲吏部郎。俸入故足贍俯仰。經霖雨。便絕糧。至遣婢子入市。偷糴。

少立即此幾婢子弄光恠爲房氏尾閭足困房氏
矣。唐王起。敕歷省寺。三任節鎮。而昧於理家。俸入
盡爲僕妾所有。老年寒餒。至與伶人分月俸以自
給。議者謂祿仕之家。不能樽節。稍豐則飫。及徇競
似歉。則困彼妻孥。晚節苟得。盡棄其平生者多矣。
以王相公德望名品。而有此累。人可不思儉以足
用乎。齊周洽常歷句容曲阿上虞吳令。廉約無私。
卒於都水使者。無以殯斂。吏人爲買棺器。武帝聞
而非之曰。洽累歷名邑。而居處不理。遂坐無宅死。

唐子
去刊
以售
盜賊
之貪
心奚
居

令吏衣棺之。此故宜罪貶。無論褒恤。乃勅不給贈。賻。北海曹昇。官至黃門郎。散騎常侍。國子祭酒。而不營家。以餒卒於鄴。時人傷嘆之。豎儒將身任天下之重。此一身不自樹立。至不免以生死託人。人固何賴焉。

南梁張率。嗜酒不事事。於家務尤忘懷。在新安。遣家僮載米三千石還宅。及至宅。遂耗大半。率問其故。荅曰。鼠雀耗。率笑而言曰。壯哉鼠雀。竟不問。唐柳公權善書。公卿以書貺遺。蓋鉅萬計。而王藏奴或

盜用。嘗貯杯盃一筭。勝識如故。而器皆亡。奴妄言
叵測者。公權笑曰。銀盃羽化矣。不復詰。君子之去
利。以就義也。散財以軫窮也。若售盜賊之貪心焉。
笑。

如真
乃真
不慧
者

梁廬陵王續。耽色愛財。極意收歛。倉儲庫藏。盈溢既
薨。世子憑罪誅死。次子應嗣。應不慧。王薨。至內庫
閱珍物。見金錠。問左右曰。此可食不。荅曰。不可。應
曰。既不可食。竝持乞汝。余謂此應固是達。非不慧
也。廬陵多財爲累。未及騁暴。幸而蚤歿。貽禍其子。

風致
足尚

如續乃真不慧者

梁到溉爲建安太守。任昉與之友。以詩贈之。求二衫。
段云。鐵錢兩當一。百代易名實。爲惠當及時。無待
涼秋日。溉荅云。余衣本百結。閩中徒八蠶。假令金
如粟。詎使蕪夫貪。任與到夙相。賞好漫有此。乞到
不荅之。以物而荅之。以詩。其風致足尚也。按溉以
清白自脩。性又率儉。不好聲色。虛室單牀。旁無姬
侍。冠履十年一易。朝服或至穿補。百結之云。諒非
欺友。昉之死。而其子便流離不振。亦非人可得而

衣食者

三事
更以
習類
俗

梁范雲少與領軍長史王暎善。雲起宅新成。移家始畢。暎亡於官舍。屍無所歸。雲以東廂給之。移屍自外入。躬自營舍。招復如禮。時人以爲難。蓋俗禁冷屍入舍。以爲不祥久矣。况師友之間。情謝天倫乎。元周仁榮嘗築一室。纔落成。友人楊公道輿疾造門。曰。願假君新宅以死。仁榮讓正寢居之。俄而楊死。篋中有遺金數銖。莫有知者。楊弟詣仁榮求分之。仁榮曰。賢兄寄死於我。意固在是。喪之費。我自

任之。終不敢利其一毫。乃對衆封藉。自平陽呼其子來。悉付之。顧潤之者。嘗從俞觀光先生學。先生無子。嘗語人曰。吾昔寢疾於杭。潤之侍湯藥。情若父子。醫爲之感動。弗忍受金。我行且老。必託之以死。後訪醫吳中。疾革。趣舟歸潤之。次尹山而卒。明日。至攜李。潤之奉其屍。斂於家。衰經就位。士人爲潤之來者。潤之拜之。明年葬於海鹽。近顧氏先塋。歲時祭享。惟謹。或問斂於家禮。與潤之曰。吾聞師哭諸寢。又曰。生於我乎館。死於我乎殯。非我斂之。

則將尸諸草莽。生服其訓。死而委諸草莽。仁者弗爲也。聞者嘆服。仁榮台人。潤之嘉興人。予謂此三事足以省頽俗。故乾而著之。

此格
前固
有之

沈約宋書恩倖傳論云。胡廣累世農夫。伯始致位公相。黃憲牛鑒之子。叔度名動京師。以一人名字。分兩句道。若尋常只當云。胡廣累世農夫。致位公相。黃憲牛鑒之子。名動京師耳。然此格前固有之。漢書萬事不理。問伯始。天下中庸有胡公。甌中生塵。范史雲。釜中生魚。范萊蕪文選。劉越石贈盧誼詩。

宣尼悲獲麟西狩泣孔丘是也至宋亦有兒童誦
君實走卒知司馬之句

南史賈思伯與弟思仲同師事北海陰鳳業竟無資
醑之鳳遂質其衣服時人謂之語曰賈生讀書不
免癡不識陰鳳留人衣及思伯遷南青州刺史之
部送縑百疋遺鳳因具車馬迎之鳳慚不往經師
聚歛如此北史徐遵明與劉獻之張吾貴皆河北
聚徒教授懸納絲粟留衣服以待之名曰影質一
時南北成俗真師道之辱也古者師不制服晉書

志以爲有淺學之師。有暫學之師。不可皆爲之服。而不悟。且有影質之師。師而至此。黷然市販之相。與何服制之議之有。

北魏高祖
遠過漢景
魏帝

北魏高祖宏爲太子。生五歲卽位。高祖幼有至性。前年顯祖病癰。高祖親吮之。及受禪。悲不自勝。顯祖問其故。對曰。代親之感。內切於心。按此五歲兒也。其篤性神解如此。吮癰之年。則生之三歲矣。此其過漢景魏文遠矣。

北史李崇魏除兗州刺史。兗土舊多劫盜。崇廼村置。

置樓
懸鼓
自李
崇始

一樓樓懸一鼓盜發之處雙槌亂擊四面諸村聞鼓各守要路俄頃之間聲布百里其中險要悉有伏人盜竊始發便爾擒送諸州置樓懸鼓自崇始宋薛季宣從荆南帥辟書寫機宜文字令武昌縣鄉置樓盜發伐鼓舉烽瞬息偏百里按世亂多盜所以弭盜之法莫良乎此獨宋向子韶知蘇州吳江縣太守孫公傑下令欲一大保置一鼓樓保丁五人以備巡警盜發則鳴鼓相聞子韶執不可曰鬪爭自此始矣是亦一見

古人
不造
謝舉
注

美善
事其
奇

北史僕射臨淮王彧表薦祖鴻勳文學除奉朝請人
曰臨淮舉卿竟不相謝或非其宜鴻勳曰爲國舉
才臨淮之務關祖鴻勳何事彧聞而喜曰吾得其
人矣古人不造謝舉主如此是乃所以爲謝也不
然曾市道而償諸則所以俟知己者薄矣

北史魏王厪以姿貌嬖於文明太后封王及薨將葬
京都文士爲作哀詩及誄者百餘人士女諂稱厪
美造新聲而絃歌之其葬也假親舊衰經綹冠送
喪者千餘人皆舉哀慟泣以要榮利時謂之義三

齊和士開母喪托附者咸往奔哭鄴中富商下鄉
嚴興等竝爲義孝有一士人亦在哭限封孝琰入
吊出謂人曰嚴興之南丁鄒之北有一朝士號叫
甚哀聞者傳之義孝事甚奇宋蘇過范溫皆出入
梁師成之門以父禮事之又有某人亦以父事師
成師成妻死溫與過當以母禮喪之方疑忌某人
不得已衰經而往則某人先衰經在帷中矣某人
不知爲誰此兩人皆以名父之子爭相爲義更奇
也

過東坡子溫淳夫子

夫為妻斬
素父
為子
割股

懷磚
之俗
昔號
難治

唐有皇太后疾而給事中閻朝隱沐浴為犧伏身

俎盤以自祈代宋有邊塞主妻病而虞侯為割股

以獻兩事甚奇然北燕王慕容熙后符氏卒熙哭

之絕而復甦服斬衰食粥逮葬毀北門以出喪車

熙被髮徒跣步從二十餘里宋有呼延贊為將其

子病贊割股為羹療之夫為妻喪喪之如考妣父

為子病療之如孝子之養父母此一段更奇絕也

北史魏李延實莊帝舅也除青州刺史辭去帝曰懷

磚之俗昔號難治舅宜好用心時黃門侍郎楊寬

在帝側不曉其義。私問舍人溫子昇。子昇曰。齊上
民俗淺薄。虛論高談。專在榮利。太守初欲入境。皆
懷磚叩頭。以美其義。及其代還。以磚擊之。言其向
背速於反掌也。已未。余自彰德移青州。相知或舉
以相嚇。然余竊用自厲。富文忠在青州。將擊之耶。
若唐李實爲京兆。其行也。瓦石滿車。是亦不待青
州也。

東魏楊氏法門華族。播及椿津。咸稟名德。爲時鉅公。
一代宗仰。自今攷之。族大而勢重。越禮滋多。所以

保家亦踈矣。播嘗爲華州刺史。至州借人田爲御
史王墓所。劾椿爲朔州刺史。在州爲廷尉奏椿前
爲太僕卿。招引百姓盜種牧田三百四十頃。史不
稱誣也。椿爲司徒華州人史底與椿訟田長史以
椿勢貴皆言椿直欲以田給椿。寇雋爲司空主簿
曰史底窮人楊公橫奪其地若欲損不足以給有
餘見使雷同未敢聞命遂以地還史底不直公論
類若此。泉僊者除東雍州刺史部人楊牟皮太保
禱之從弟恃椿侵擾百姓守宰以下多被凌侮皆

父兄
子弟
相成

畏而不敢言。僊便收之。楊氏不軌不法。貪橫爲暴。動被繩彈。兄弟尚然。况厥苗裔。殲族之禍。未云不幸也。

北齊崔劼二子拱。擢竝外任。弟廓之從容謂曰。拱。擢幸得不凡。何不在省府中清華之所。而並出外藩。劼曰。立身以來。耻以言自達。今若進見。與身何異。卒無所求。聞者嘆服。唐源乾曜爲相。嘗建言。大臣子。併求京職。俊又率任外官。非平施之道。請出二息補外。以示自近。始詔可。而後公卿子弟。始皆出。

外補宋章惇雖窮克稔惡而不肯以官爵私所親
四子連登科獨季子援嘗爲校書郎餘皆隨牒束
銓仕州縣迄無顯者范忠宣作相其子平正當入
遠忠宣欲以恩例換近地正平堅不肯曰當入遠
不欲以恩例事僥倖愚謂世之爲大臣任其子者
當如崔劼源乾曜章惇爲大臣任子者當如范子
夷也此其父兄子弟交相成矣今指乾曜謂人尚
硜硜不服况章惇乎然或不如章惇多矣

北齊庾黔婁父易遘疾醫云欲知差劇但嘗糞甜黃

黔婁輒嘗之。柳遐母嘗乳間發疽。醫云此疾無可
救理。惟得人吮膿。或望微止其痛。遐應聲卽吮。旬
日遂瘳。隋趙郡李士謙母曾嘔吐疑中毒。因跪而
嘗之。田翼母患暴痢。翼謂中毒。遂親嘗惡。唐張士
巖母病癰。士巖吮其血。焦懷肅母病。每嘗其唾。若
味異輒悲號幾絕。宋顏衍父在青州有風痺疾。衍
棄官侍疾。歲餘父疾不能起。衍親自掬矢。未嘗少
倦。李虛已母喪。明旦日舐睛不懈。二年母目復明。
李行簡父嘗患癰。極痛。吮其敗膏。不唾於地。父患

尋平。元孫瑾事繼母唐。嘗患癰。吮之。又喪目。舐之。
尹萃杜佑皆父病嘗糞。孫希賢卜勝榮皆母痢。嘗
血。人子之事其父母。當何所不至。矧疾痛死生耶。
然諸若此亦罕矣。誠難之與。乃舐秦王痔。吮漢帝
癰。嘗淮陽王黃龍湯。歟。大總管馬腹。嘗御史大夫
便液。奉五郎溺器。御僧懷義馬。換公主車。拂中書
丞相鬚。拭相公帶尾垢。濯太尉足。何代不乏賢也。
舐痔見列子。吮癰鄧通事。見漢書。北史齊和士開
寵貴至極。封淮陽王。錄尚書。朝士多相附會。爲其

假子有一士人曾參士開疾患醫云王湯寒極重
應服黃龍湯士開有難色是人云此物甚易王不
須疑惑請爲王先嘗之一舉便盡唐書侯君集馬
病舛類行軍總管趙元楷親以其指沾其臙而舐
之御史劾奏其誦左遷括州刺史郭弘霸爲右臺
御史時大夫魏元忠病僚屬省候弘霸獨後人憂
見顏間請視便溺卽染指嘗之因賀曰凡其者病
不瘳今味苦當愈喜溢于面元忠惡其媚暴語於
朝宋之問爲尚方監丞左奉宸內供奉時張易之

等烝烝寵甚時人以五郎目之而之問傾心媚附
至爲之奉湯器薛懷義方烝蠱武三思痛屈節爲
假義卽馬趙履溫誦事安樂公主嘗褫朝服以項
扼其車拂鬚丁謂事見宋史又崔公度媚附安石
晝夜造請雖踞廁不避嘗後執其帶尾安石反顧
公度笑曰相公帶有垢敬以袍拭去之耳警池筆
記李憲用事士夫皆奴事之彭孫氣凌公卿然嘗
爲憲濯足曰太尉足何香也憲以足踏其頭曰奴
諂不太甚乎

卷之六
北史

北史王思政都督荊州刺史。嘗命都督蘭小歡督工匠繕脩城塹。掘得黃金三十斤。夜中密送至旦。思政召佐史以金示之曰。人臣不宜有私。悉封送上。周文嘉之。賜錢二十萬。予謂思政廉矣。然送上不若惠下。蓋錄之州藏乎。其賜錢亦當辭。不然。是責償也。元蕪希憲行北京行省事。朝廷降鈔買馬六千五百。希憲遺買於東州。得美馬千三百。希憲曰。上之則若自錫。卽與它郡之不及者。以其直還官。此老名利俱不貪。真不愧乃姓矣。

石入
藏射
族

周李萬歲嘗獵於莎柵。見石於叢薄中。以爲伏兔。射之。鏃入寸餘。視之。乃石。周文聞而異之。賜書曰。今之李將軍也。按夜行疑虎。射石沒金。李廣前有熊渠子。呂覽亦曰。養由基射虎中石。矢乃飲羽。誠乎虎也。又宋史何灌與遼人戰。灌迎高射之。發輒中。或著崖石皆沒鏃。則灌之中石。又不特疑之以虎矣。

上之
意

後周王罷鎮河陽。嘗有朝使至。爲設食。使乃裂去餅。緣公怒曰。耕種牧獲。其功已深。春爨造成。用力不

少公之選擇棄物。必是未饑。命左右徹之。唐李英
公爲相。有鄉人過宅。爲設食。客去其餅。緣公卽責
之。餅緣甚微。而二公重惜去之如此。因攷唐太宗
嘗使宇文士及割肉。以餅拭手。帝屢自焉。士及佯
爲不悟。更徐拭而使啗之。帝廼已。肅宗爲太子時。
嘗侍膳。尚食置熟俎。有羊臂臠。上顧使太子割。肅
宗旣割。餘汚漫在刃。以餅潔之。上熟視不懌。肅宗
徐舉餅啗之。上大悅。謂太子曰。福當如是愛惜。夫
玉食惟辟。而一餅之愛乎。廼不忍暴殄天物。不敢

意稼穡之艱難。其帝王盛德也。萬乘且然。况寒士
哉。

善初
臣下
名者
周宣
參文
宣

祖挺嘗曰。陛下殺臣。臣得名。不殺臣。陛下得名。珽小
人也。又在其頸。然雋乎其言之有味焉。今人主莫
不與臣下爭名。見臣下諍已者。迨之曰。爾自爲名。
謗我。不知殺一諍臣。是自宣謗也。還予之名矣。齊
文宣之不道也。末年而甚。裴詡之正諫之。文宣怒。
將殺之。士敬色辭不移。帝曰。痴乎。敢哉。楊愔曰。望
陛下放以取後世名。帝拔刀嘆曰。小子望我殺爾。

以取後世名我終不成爾名遣人送出周宣帝廢
暴京兆丞樂運輿視詣朝堂諫帝大怒將戮之元
巖請見於帝曰樂運知必死欲取後世名陛下若
殺之乃成其名落其術內不如勞而遣之以廣聖
度因獲免余以爲善刼取臣下名者周宣齊文宣
也

讀魏徵隋書云周宣帝崩靜帝立幼冲隋高祖以后

父之尊矯詔入總朝政陰蓄篡逆天下洶洶兵起
於是尉遲迥起相州王謙起益州司馬消難起鄖

州畢王賢欲圖堅趙王招越王盛繼之皆踵未旋
敗今隋書書迴譙曰反曰亂曰逆曰作亂曰搆逆
賢招盛曰爲變曰陰謀其死皆曰誅又以疑忌殺
陳王絕代王達滕王適皆曰誅書常孝寬梁睿之
師皆曰討隋高祖之崩煬帝爲太子實弑之血濺
於屏風今高祖紀書疾甚與群臣握手歔歔相辭
訣又備書遺詔書崩煬帝紀書卽皇帝位皆不書
弑史爲誅亂臣賊子作當其時則諱失其事則疑
非疑非諱徵爲何書乎徒使亂臣賊子不長氣耶

四

通知
德行
氣節
是

附事

隋書李義傳首列陸彥師特書其父喪結廬依墓負
土成墳一事耳祖父事魏俱至顯官身又爲魏襄
城王元旭叅軍入齊歷任至中書黃門侍郎出爲
太守周授載師下大夫轉少納言封男楊堅篡周
尉迥起兵彥師卽委妻子逃歸長安周亡隋拜尚
書左丞封子平生踐歷如是事君不忠尚稱孝乎
隋盧昌衡見謂公平蘇威爲冢宰亦考之曰德爲世
表行爲世則雅重國論若此惜其仕魏歷齊更周
及隋卒於大業假令母死須臾且行與裴矩虞世

同傳
而自
相抵
牾

基結綬入唐矣。廼知德行氣節猶是兩事。王祥之孝。褚淵之清。而改面反主。非不脩也。或曰。亦爲其德行非顏閔也乎。

裴矩始事齊。無聞焉。已事隋。則不遺其餘力以亡隋。蓋將爲唐歐除耶。其精明多識。所謂小有材。足以行其惡而已。獨傳言宇文述虞世基用事。官以賄遷。惟矩挺節無穢聲。予甚疑之。及觀楊恭仁傳。廼言宇文述裴蘊與矩叅掌選事。皆受賄不法。然則本傳誤也。安得如躋蹠廉哉。然矩恭仁本同傳。而

李士
護刑
罰論

自相牴牾若此可謂疏矣

隋史李士謙嘗論刑罰畧曰帝王制法沿革不同自可損益無爲頃改今之賊重者死是酷而不懲也愚謂此罪宜從肉刑刑其一趾再犯者斷其右腕流刑則去右手三指又犯則下其腕小盜宜黥又犯則落其所用三指又不悛則下其腕無不止也無賴之人竄之邊裔職爲亂階適所以召戎矣非求治之道也博奕淫游盜之萌也禁而不止黥之則可有識者頗以爲得體予按隋時高祖用法嚴

峻嘗患令史賊汙。因私使人以錢帛遺之。得犯立
斬。此賊不誅重也。盜一錢者棄市。有四人共盜一
掬角。三人同竊一瓜。卽時行決。小盜者爾。大盜如
何。取一錢已上。聞見不告言者。坐至死不盜者爾。
盜又如何。所謂憲擬於秋荼。網踰於朝脛者。不虛
矣。士讎之論。肯寄乎傷時。然使論也行。則所以生
人於死。豈有涯哉。

龍門子凝道記婦事舅姑。舅有殺其父者。如之何。曰
父子天合。夫婦人合。天合者不可離。人合者則惟

何如之
父者
殺其

義所在何如耳。舅殺其父。則義乖矣。義乖則途人而已也。夫何舅之爲。離而去之可也。去之可再適人乎。曰不可也。婦人於禮不再適也。按齊東野語。宋莆田有楊氏。訟其子與婦不孝。官爲逮問。則婦之父爲人毆死。楊亦與焉。獄未竟而羣需得不坐。然婦仍在楊氏家。其後楊又訟其子及婦。軍判官姚瑤以爲雖有讐隙。旣仍爲婦。則當盡婦禮。欲併科罪。陳百上振孫時以倅攝郡。獨謂父子天合。夫婦人合。人合者。恩義有虧。則已矣。在法合離皆許。

還合而獨於義絕不許者。蓋謂此類。况兩下相殺。又義絕之尤大者乎。初間楊罪既脫。合勒其婦休離。有司既失之矣。若楊婦不去於舅姑。則爲反親。事讐稍有不至。則舅姑反得以不孝罪之矣。當離不離。則是違法。在律違法爲婚。既不成婚。卽有相犯。竝同凡人。今其婦合比附此條。不合收坐。卽符此論。然則夫有殺其妻之父母。其妻則如何。白虎通云。夫有惡行。妻不得去者。地無去天也。悖逆人倫。殺妻父母。義絕乃得去也。則去之可也。又夢谿

筆談云。壽州有人殺妻之父母兄弟數口。州司以
不道緣坐其妻子。刑曹駁之曰。毆妻之父母。卽爲
義絕。况身謀殺。不應復坐。刑曹此論。是蓋爲其夫
忿起於一朝。而其妻曾不與聞乎。故者。方其下手
之時。大義已絕。不得復坐。以爲夫之婦而併案其
父之女也。斷其夫以法。而離其妻以義。可也。曰。妻
歸而更適可乎。不可也。猶爲其故夫有恩乎。曰。非
然也。婦無二夫者。義也。夫一朝而二天。豈焉。尚可
以視息乎。爲之婦者。抱塊茹荼。以終其身。可也。又

按南史齊大司馬王敬則反于會稽。至曲阿敗死。敬則子壻謝朓。先時告之也。朓遂以功遷吏部郎。三讓不許。朓妻常懷刃欲刺朓。朓不敢見。隋書煬帝長女南陽公主嫁於許國公宇文述子士及。述病且卒。主親調飲食。手自奉上。及宇文化及弑逆。竇建德誅之。主有一子名禪師。年且十歲。建德以化及當族滅。以公主之子聽留之。主泣曰。武實是隋室貴臣。此事何須見問。建德竟殺之。公主尋請建德剃髮爲尼。及建德敗。將歸西京。復與士及遇。

於東都。主不與相見。士及就之。請復爲夫婦。主拒
曰。我與君讐家。今恨不能手刃君者。但謀逆之際。
君不預知耳。固與告絕。士及不得已。拜辭而去。朶
與士及。非手刃其妻之父。敬則又實反謀。而二妻
處之若此。

漢卻陽任延壽之妻季兒。兄季宗與延

壽有隙。延壽陰殺之。會赦得免。乃以告季兒。季兒
遂號哭求去。延壽慚曰。汝何不殺我。季兒曰。殺夫
不義。事兄之讐亦不義。遂自經而死。

隋宇文化及之弒立也。許善心以不謁賀被殺。忠於

許善
心以
不謁
贊被
殺

金華子中集 卷之二十六
事隋者夫雖然往陳之使也繫於隋而終事之不
死于陳之亡而死于隋之亂死晚矣或曰陳之亡
也善心披衰藉草東向號焉雪涕而受命得已乎
曰婦之夫臣之君也婦人亡其夫終喪而嫁賢於
奪哀以奉所歡矣然貞婦乎